



Na osnovu Člana 19. stav 1. Zakona o Vladi Federacije BiH ("Službene novine Federacije BiH", br. 1/94, 8/95, 58/02, 19/03, 2/06 i 8/06), Člana 61. stav 6., Člana 78., stav 4., Člana 89. stav 2., u vezi Člana 88. stav 1. tačka 8., Člana 93. stav 6. i Člana 110. stav 1. alineja 7. i 9. Zakona o cestama Federacije BiH ("Službene novine Federacije BiH", br. 12/10 i 16/10), Vlada Federacije Bosne i Hercegovine, na 161. sjednici održanoj 20. januara 2011. godine, donosi

## UREDBU

### O VISINI NAKNADE ZA KORIŠTENJE ZEMLJIŠTA UZ JAVNE CESTE

#### Član 1.

Ovom Uredbom utvrđuje se visina naknade za korištenje zemljišta uz javne ceste, osim autocesta i brzih cesta Federacije BiH, visina naknade za postavljanje reklamnih znakova u cestovnom i zaštitnom pojasu javnih cesta i visina naknade u postupku donošenja saglasnosti i odobrenja u zaštitnom cestovnom pojasu.

#### Član 2.

Pravna i fizička lica koja koriste cestovno zemljište radi obavljanja pratećih djelatnosti pružanja usluga vozačima i putnicima, priključke na javne ceste, elektronske, telefonske, antenske priključke, instaliranja uređaja i opreme, građenja komunalnih, vodoprivrednih i drugih objekata (instalacije, cjevovodi i sl.), postavljanje i korištenje reklamnih znakova su obavezni plaćati naknadu upravitelju javne ceste.

#### Član 3.

Visina naknade po m<sup>2</sup> iznosi:

- a) za benzinske stanice s priključkom 6,00 KM/m<sup>2</sup>
- b) za sve ostale priključke osim za stambene zgrade 3,00 KM/m<sup>2</sup>

c) za autoservise, ugostiteljske i druge slične objekte 3,00 KM/m<sup>2</sup>

#### Član 4.

Visina naknade po metru dužnom iznosi:

a) za telekomunikacijske i električne kablove i slično 1,50 KM/m'

b) za cjevovode do 200 mm prečnika 2,00 KM/m'

c) za cjevovode većeg prečnika 3,00 KM/m'

#### Član 5.

Visina naknade po komadu iznosi:

a) za elektronske, telefonske i antenske priključke i opremu 500,00 KM/kom

#### Član 6.

Visina naknade za postavljanje i korištenje reklamnih znakova na cestovnom zemljištu, na godišnjem nivou, iznosi:

a) jednostrani neosvijetljeni reklamni znak 100 KM/m<sup>2</sup>,

b) jednostrani osvijetljeni reklamni znak 140 KM/m<sup>2</sup>.

#### Član 7.

Visina naknade za postavljanje i korištenje reklamnih znakova u zaštitnom pojasu na godišnjem nivou iznosi:

a) jednostrani neosvijetljeni reklamni znak 40 KM/m<sup>2</sup>,

b) jednostrani osvijetljeni reklamni znak 60 KM/m<sup>2</sup>.

#### Član 8.

Visina naknade za dvostrane, višestране reklamne znakove i rotirajuće prizme i sl. određuje se na način što se novčani iznos iz Člana 6. i 7. ove Uredbe uveća za 50% po svakoj strani reklamnog znaka.

## Član 9.

(1) Visina naknade iz Čl. 3., 6., 7. i 8. ove Uredbe usklađuje se zavisno o intenzitetu saobraćaja na cesti - PGDP (prosječni godišnji dnevni saobraćaj) za javne ceste:

a) na kojima je PGDP 3000 do 7000 vozila visina naknade se obračunava u iznosu utvrđenom u Članovima 3., 6., 7. i 8. ove Uredbe;

b) na kojima je PGDP manji od 3000 vozila visina naknade utvrđene u Članovima 3., 6., 7. i 8. ove Uredbe se umanjuje za 10 %;

c) na kojima je PGDP preko 7000 vozila visina naknade iz Člana 3., 6., 7. i 8. ove Uredbe se uvećava za 10 % za svakih 1000 vozila PGDP;

d) na kojima nema podataka o PGDP-u visina naknade se obračunava u iznosu utvrđenom u Članovima 3., 6., 7. i 8. ove Uredbe.

(2) Za obračun naknade iz prethodnog stava ovog Člana koriste se posljednji službeni podaci o intenzitetu saobraćaja.

## Član 10.

Korisnici cestovnog zemljišta koji imaju zaključen koncesijski ugovor i plaćaju koncesninu, plaćaju samo naknadu iz Člana 3., 6., 7. i 8. ove Uredbe koja se ne uvećava po osnovu PGDP iz Člana 9. ove Uredbe.

## Član 11.

(1) Uklanjanje bespravno postavljenih reklamnih znakova naplaćuje se:

a) za reklamne znakove do  $2\text{m}^2$  150,00 KM po komadu

b) za reklamne znakove preko  $2\text{m}^2$  100,00 KM po  $\text{m}^2$

(2) Troškove uklanjanja bespravno postavljenih reklamnih znakova iz prethodnog stava ovog Člana, snosi vlasnik bespravno postavljenih reklamnih znakova.

## Član 12.

(1) Pored naknade iz Članova 3., 4., 5., 6., 7. i 8. ove Uredbe, podnosioci zahtjeva plaćaju i troškove administrativnog postupka donošenja rješenja i troškove izlaska na teren stručnih lica nadležnog organa za ceste.

(2) Naknada troškova administrativnog postupka za donošenja rješenja iznosi:

- a) Naknada za davanje saglasnosti za lokaciju i izgradnju benzinske stanice sa priključkom na javnu cestu iznosi 3.000,00 KM po zahtjevu,
  - b) Naknada za davanje saglasnosti za dogradnju postojeće benzinske stanice iznosi 1.500,00 KM po zahtjevu,
  - c) Naknada za davanje saglasnosti za lokaciju i izgradnju ostalih poslovnih objekata koji su u funkciji saobraćaja sa priključkom na javnu cestu iznosi 1.000,00 KM po zahtjevu,
  - d) Naknada za davanje saglasnosti za dogradnju postojećih poslovnih objekata koji su u funkciji saobraćaja iznosi 500,00 KM po zahtjevu,
  - e) Naknada za davanje saglasnosti za lokaciju objekata iznosi 500,00 KM,
  - f) Naknada za davanje saglasnosti za izgradnju priključaka na javne ceste iznosi 500,00 KM,
  - g) Naknada za davanje saglasnosti za izgradnju prilaza na javne ceste iznosi 250,00 KM,
  - h) Naknada za davanje saglasnosti za polaganje infrastrukturnih vodova (vodovod, plinovod, kanalizacija, TK instalacije, elektroinstalacije i slično), kroz trup ceste i cestovne objekte iznosi:
    - 1) sa prekopom trupa ceste. 500 KM
    - 2) sa bušenjem trupa ceste 300 KM
    - 3) ovješeno na objekte ili kroz objekte 500 KM
    - 4) za elektro, telefonske, antenske priključke, opremu i sl. 100 KM
  - i) Naknada za davanje saglasnosti za polaganje infrastrukturnih vodova (vodovod, plinovod, kanalizacija, TK instalacije, elektroinstalacije i slično), paralelno sa osovnom ceste, a pored trupa ceste iznosi 500 KM
  - j) Naknada za davanje suglasnosti za prelaz dalekovoda iznad javnih cesta iznosi 300 KM.
  - k) Naknada za davanje saglasnosti za postavljanje reklamnih znakova iznosi 50 KM/kom.
- (3) Troškovi izlaska na teren obračunavaju se 40 KM/h; uračunavajući i vrijeme odlaska na teren i povratka sa terena.

### Član 13.

Danom stupanja na snagu ove Uredbe prestaje da važi Odluka o visini i načinu plaćanja naknade za korištenje zemljišta u cestovnom pojasu i drugog zemljišta koje pripada javnim cestama ("Službene novine Federacije BiH", br. 59/06).

Član 14.

Ova Uredba stupa na snagu narednog dana od dana objavljivanja u "Službenim novinama Federacije BiH".

---

V broj 79/11  
20. januara 2011. godine  
Sarajevo

---

Premijer  
**Mustafa Mujezinović, s. r.**

---